



Nuuk 06.10.2000

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Namminersorlutik oqartussat sulisussarsiortarneranni Sermitsiaq AG-lu allagarsiisarnermi atorunnaarlugit, Qallunaat nunaanni sulisussarsiortarfiit atulernerisigut sipaarniarneq Naalakkersuisut tunngavigisimanerlugu?**

**Sermitsiakut AG-kkullu allagarsiisaarnermiit Qallunaat Nunaannut allagarsiisalernermi qanormita akitigut nikingatigippat?**

(Malik Berthelsen, siumut)

**Tunngavilersuut:**

Kultureqarnermut Ataatsimiititaliamiit, Sermitsiap AG-llu aaqqissuisuunerisa ataatsimeeqatiginerisigut paasivarput, Namminersorlutik oqartussat Nunatsinni aviisit sulisussarsiortarnermi allagarsiisarneq unitsissimagaat, Nunatsinniit qinnuteqartoqartanninnera pissutigalugu. Tamannalu Aviisit taakkua pineqartut ullumikkut aningaasatigut annertuumik ajornartorsiulernerannik kinguneqartoq paasivarput.

Eqqarsartaasera malillugu Aviisit ingerlaannarnissaat/annaanneqarnissaat allagarsiinerit (annonce) aqputigalugit pissasoq politikerit akisussaaffingngilaat.

Kisianni Qallunaat Nunaanni allagarsiisarerit Nunatsinnituulli akeqartinneqarsimappat, taava soorunami uagut politikikkut soqutigisariaqarparput aningaasat Nunatsinni sulisinnegarnissaat Qallunaat nunaannut annisorneraninnaanniit.

Taassuma saniatigut Aviisit akikillisaaffigineqarlutik Nunatsinnut siammarterneqartarnerat Post Greenland-ip pisussaaffingngimmagu, Siumumiit Naalakkersuisut kaammattorpavut, Aningaasanut inatsisissaq tassa kiffartuussinermit isumaqatigiissut aqputigalugu aningaasaleeqqullugit.

Tamattami pingaartittariaqarparput innuttaasut kikkulluunniit aviisinik nutaarsiassanik, isummer-suutinik, nunatsinnilu pisartunik allassimasunik atuagassaqartuaannarnissaat.

Naggataatigut immaqa una isumaliutersuutigineqarsinnaavoq. KNR-ip Sermitsiap AG-llu nutaarsiassaataannik radioavisimi issuaasarnini aviisnut akilertalersinnaagai. Tassami Aviisit taakkua sulisutik akilerlugit suliaat, KNR-ip imaasiillaannarluni akeqanngitsumik radioavisikkut issuartarpai, Naak KNR nammineerluni nutaarsiassalerisoqaraluartoq. Soorlumi Qanoroq sinerissami TV-qarfinniit nutaarsiassanik pisisartoq.

Taamaasilluni immaqa Aviisit allagarsiisarnermi (annonce) annaasamik ilaannik tassuunakkut utertitsinnaagaluarpot.